



SIARAN MEDIA

PERUTUSAN YB DATUK SERI TAKIYUDDIN BIN HASSAN MENTERI TENAGA DAN SUMBER ASLI SEMPENA SAMBUTAN HARI BURUNG HIJRAH SEDUNIA 2022

Hari Burung Hijrah Sedunia (World Migratory Bird Day) disambut pada setiap hari Sabtu minggu kedua bulan Mei dan Oktober setiap tahun bagi meningkatkan kesedaran masyarakat berhubung kepentingan pemuliharaan burung hijrah dan ekosistem mereka di peringkat global.

Malaysia bertuah kerana merupakan salah satu daripada 19 buah negara ahli East Asian-Australasian Flyway (EAAF) yang merupakan destinasi untuk burung hijrah berehat, mencari makanan dan perlindungan sebelum meneruskan perjalanan mereka ke destinasi yang lain. Setiap tahun, terdapat lebih 50 juta spesies burung hijrah bermigrasi melalui EAAF. Burung-burung ini melakukan penghijrahan untuk mengelakkan musim sejuk di negara asalnya.

East Asian-Australasian Flyway Partnership (EAAFP) telah ditubuhkan pada 6 November 2006 bertujuan untuk memberi fokus kepada perlindungan burung hijrah, habitat dan komuniti manusia yang bergantung dengannya. Bako Buntal Bay, Sarawak telah diiktiraf sebagai Flyway Network Site yang pertama di Malaysia pada tahun 2013.

“Malapkan Cahaya Waktu Malam Demi Burung!” (Dim the Lights for Birds at Night!) telah dipilih sebagai tema pada tahun 2022 bagi menyeru masyarakat dunia untuk memalapkan lampu yang tidak diperlukan di waktu malam bagi mengelakkan gangguan kepada burung hijrah. Lampu yang terang boleh mengelirukan burung hijrah dan menyebabkan burung hijrah terlanggar bangunan semasa terbang di waktu malam serta menganggu ritma biologi burung hijrah.

Sempena Hari Burung Hijrah Sedunia pada hari ini, saya menyeru semua pihak untuk sama-sama membulatkan tekad dan memperhebatkan usaha dalam memulihara burung hijrah. Kementerian Tenaga dan Sumber Asli (KeTSA) selaku national focal point bagi EAAFP juga mengalu-alukan Kerajaan-kerajaan Negeri yang mempunyai tapak persinggahan burung hijrah untuk mencalonkannya sebagai Flyway Network Site di Malaysia.

Selamat Menyambut Hari Burung Hijrah Sedunia 2022.

“Malapkan Cahaya Waktu Malam Demi Burung!” (Dim the Lights for Birds at Night!)

**YB DATUK SERI TAKIYUDDIN BIN HASSAN
MENTERI TENAGA DAN SUMBER ASLI**

8 OKTOBER 2022

Unit Komunikasi Korporat | Kementerian Tenaga dan Sumber Asli
Tel. : 03-8000 8000 | Faks : 03-8889 4763 | Web www.ketsa.gov.my

